

T o -

tersuuneq

– Aaqqissuusineq.

Ammasuuneq attatiinnar-
neqassaaq. Biilerneq annikillis-
arneqassaaq. Pisiniaarfiit siaruarter-
neqassapput. **Sumi tamaani qor-**

sooqqissunik eqqissisimaartarfili-

toqarli. Eqqissisimaneq. Toqqissisimaneq. Isikkivik.

Innuttaasunut inissiat. **Najugaqarfinnut ataasiakkaa-**

nut politikki naleqqussarneqassaaq. Pinggortitap Eqqa-

aniineq. Pingguartarfiit pitsaasut. Naasunik naatitsineq. **Najugaqatigi-**

iffiit pitsaasut. Igalaat angisuut. Illup ilua silaannarissuq. Inissiat ullutsinnut

naleqquttut. Skatertarfik. Kulturip Illorsua. **Ataatsimut akisussaaneq. Avatan-**

gisivut paaralugit. Perorsaaneq. Nuna isikkorisimasaatut ilillugu aaqqinneqassaaq. Eqqak-

kanik atoqqineq. Imerajuttut inissaqartinneqarnerat. Akisussaaffimmik tigusineq. **Silap pissusaa**

naapertorlugu sanaartornerup naleqqussarneqarnera. Piujuaanartitsinermik attaveqaatit.

Eqqarsaqqissaarluni sumiiffiit toqqartorneqarli. Efterskolit. Aalisakkanik suliffissuq. Halip allisinneqar-

nera. Ikuallaavik. Sisorartartunut majuartaat. 60-ikkunnisut aamma 70-ikkunnisullu sanaartornerit unitsinneqarli. **Illut**

eriyaginartut isumagineqanngitsut aserfallatsaaliorneqarneri. Illut nutaanngitsut kuuffilersorne-

qarneri. Inissianit imeq errortuivik ataqqinneqarli. Illut ukiut tallimat atorneqarsimannngitsut piginnittui akuersiteqqaartinnagit

ingutserneqarsinnaaneranut inatsit nutaaq. Ataatsimut errorsarfik. **Sanaartukkat imminnut qanippallaartinnagit sanaartor-**

neqassapput. Inuit angallaffianni toqqissisimaneruneq. **Qasertunik, qernertunik kajortunillu illoqassanngilaq.** Aqqutit qanina-

ariniarfiit. **Kulturitsinnit eqqaassutissat eqqumiitsuliallu.** Qaortup attatiinneqarnissaq. **Cykelertunut naleqqussaaq. Pisuttunut**

naleqqussaaq. Biilit unittarfiit killilersorneqarli assigiinngitsunullu atuuffeqartillugit. **Qalipaait imminnut tulluurtut** - qalipaait sakkortuut atorun-

naarlugit. Atortorissaarutit aserfallatsaaliortariaqanngitsut qalipaatinik toqqartuinerit killilersuisuusarpoq. Tutsuiginartumik peqqissaarussillunilu qalipaatinik suliaqar-

neq. **Illut pioreersut pitsaanerumik aserfallatsaaliorneqartassapput.** Illut eriyaginartut pitsaanerumik atorluarneqassapput. Illoqarfiup qeqqani

portusuunik illoqassanngilaq - Qinnngitsinni ajungnilaq. **Kalaallisut sanaartaaaseqarneq.** Innuttaasut assigiinngitsut pisariaqartitaat sunngiffimmilu soqutigisaat

aallaavineqassapput. Illut akornini silaannaqarnissaq isikkiveqarnissarlu pisariaqarluninartuuvoq. **Narlorippallaanik kipparissunillu illuliortarneq unitsillugu allatut sanaartortoqa-**

lerli. Illut assigiinngitsunik ilusillit amerlanerussaapput. **Illoqarfiup qeqqani tamanut pinnguarterfiit.** Illut akornanni ataqatigisitsineqalerli. Inissamik

pilersitsisoqarli. **Sumiiffimmuut attuumassuteqalersitsisoqarli. Immikkoortut/illoqarfiup ilai immikkullarissusilerneqarli.** Ileqqut kulturillu

tungaaasigut ataatsimoortarneq tapersorneqarli. Illoqarfik alianaasooq. Pinggortitaq pingaaruteqarpoq. Kikkut tamarmik katersuuffigisinnaaannik, soorlu ammasumik tamanut

tusarnaartitsiveeraasinnaasunik, inissaqartitsisoqarli. **Illoqarfimmi toqqissisimaneq.** Aserfallatsaaliineq saligaatsuutitsinerlu. Toqqissisimaneq = illoqarfik isumagineqar-

tutut misigisaqarfili. Qammaqquutit. Pisuinnartunut aqutissiat qammaqquutillit. Illoqarfiup qeqqa uummarissarneqarli, aamma unnukkut. **Qanigisariineq.**

Illoqannginnersat alianaarsarneqarneri misigineqarli. Eqqissisimaartarfeqqat. Eqqumiitsuliat. Illut qallersuutit kusassakkat. Issiiviit takisuut. Karsit naasuler-

fiit. **Nuussuq aaqqissugaalluarpoq - nungullarnerali pissutaalluni toqqissisimanarani.** Inuit ataqatigiissarneqarnerat eqqarsaatigineqassaaq. Ataqqin-

inneq peqqissaarinninnerlu. **Illoqarfiup paarinnaasut piumassuseqarneq.** Nungullarsimasut = Soqutiginninneq. Isikkuatigut takutinniagaq = Atorneqarsin-

naassusaaq. Ileqqut nutarterinerlu. **Nutaanngitsut nutaatulli pingaartinneqassapput.** Illoqarfik allanngujaatsunngortinneqassanngilaq. **Illoqarfik oqaluttu-**

assartaqarani ineriartortinneqassanngilaq. Illoqarfimmi immikkoortut ilaat nutaanngitsut ataqatigiissut sulit misigisaqarfussapput. Pioreersut ataqillugit nutaa-

mik iliuuseqartartassaaq. **Illuliortaatsit assigiinngitsut atorlugit illut akornanni soqutiginarsarineq** (soorlu Katuap Nuuk Centerillu akornngani).

Allagartalersuineq - sumiiffiik aqquserngillu taaguataat pillugit paassutissiineq. Aqqit kingunissaq eqqarsaatigalugu piujuartinneqarli. Illoqarfik

pillugu oqaluttuut piujuartinneqarli. Takornariat ornigarneqaatti, centerit, Nuussuq, Qinnngortup ilil. pillugit allagartalersuinerit. **Kikkut tamarmik tikilluaqqusaasu-**

tut misigissapput. Nuuk issittimi nunat assigiinngitsut akornanni illoqarfittut angisuutut najugaqartunut takornariannullu ammasutut inussiarnersutullu misigineqassaaq.

Illoqarfik assigiinngiaartunut inissaqartitsisoq peqataatitsisorlu. Najukkami ileqqunik kulturikkullu kingornussanik atatisinissamat qulakkeerinittuusoq.

Inuunik kulturikkullu tungasunut inissaqartitsinissamik qulakkeerininneq. Pigsat eriyagisat nalillit paarineqassapput. Arlaannut attuumassuteqartutut misigititsisuusut. **Kina-**

assuseqarnermik attuumassuteqarnermillu misigisimaneq. Assersuutigalugu Kalaaliaratoq nuunneqarmanut inuiaqatigiit iluanni kulturikkullu isumaa anna-

aneqarpoq. Tamannalu siaasatta ukiut ingerlaneranni pilersitarivaat. Kalaaliaratoqqami inuiaqatigiit imminnut ataqatigiinnerat malunngortinneqarlunilu nukittorsarneqartar-

poq. Oqaluttuunik oqaluttuarneq. **Kulturikkut kingornussat Nunatsinni ataatsimut pigisaapput assersuutigalugu illuni ersersinneqartarluni.**

Kulturikkut kingornussat uummaarsut amerlanerussut pilersinneqarli. Eqqumiitsuliortartut atuakkiortartullu/taalliortartullu imaluunniit uummaarsu-

mik kulturikkut ingerlatitseqqiisut aggersarneqarli. **Nuummi ikkussukkat, eqqumiitsuliat, qalipakkat, assit videolu atorlugu qulequt-**

tat pillugit oqallinnerit nassuiaasersuinerillu ingerlanneqarli. Illut eriyaginartut. Ittoqortoormiini niuertup illua oqaluffili. Tasiilami amerivik Skæven

aamma Oqaluffik. Nuuk kisiartaalluni najukkami oqaluttuarisaanermut atatillugu katersugaasiveqanngitsooq. **Nuuk nammineq najukkami oqaluttuarisaanermut**

atatillugu peqatigiiffeqassaaq. Kommunip naleqartitani pingaartissava. Tasiusarsuarmiit Orsiivip tungaanut immikkoortoq immikkullarissuullunilu Kalaallit Nunaata

ineriartorneranut atatillugu oqaluttuassartaanut ilaavoq. Inuuneq maani 1950-ikkunni ataatsimoortinneqarluni ingerlavoq. **Nuutoq Nuummi kulturikkut naleqarti-**

tani pingaarnersaavoq. Nuutoqqaq allanngutsaaliorneqassaaq. Frilandsmuseuminngortinneqassaaq. Portusuunik illuliornissamik pisariaqartitsisoqaraangit seqinnertarnera

qaamasarneralu eqqarsaatigineqartassaaq. Nuuk avammut allisinneqassaaq. **Illut illoqarfiup qeqqani eqiterutsinneqassanngillat.** Innuttaasunut anersaartorfissa-

nik pilersitsisoqarli, soorlu Nuutoqqami. **Sanaartoriaatsip pitsanngortinneqarneratigut oqut pinaveersaartinneqarli.** Toqqissisimaneq - inuit kissalaartut

- akuersarneq - ileqqooq. Nunap qalipaatai, soorlu qilaap tungujornerisut ittut, svenskisut aappalluttut ittut, ivikkatut qorsunnik qalipaatiit, kaariatut sungaartut qaortorlu

tarnimut eqqissisitsisuuq tamanillu oqimaatigisitsisusuarlutik pinggortitameersuummata. **Toqqissisimanartitsisartunik allallit.** Qisunnik qiperukkat. Ilutsit illulu

najukkami atortorissaarutit, soorlu ujaqqanik, ivikkanik qaarsunillu sanaartukkat. **Atortorissaarutit pinggortitamik ileqqulinneqarsimasunillu (qisuk)**

takutitsisuusut. Inuit alutornartut eqqissinartullu. **Illoqannginnersami uumasunut inissaqartitsineq.** Pisuttuarluni ornitassaqarnissaq. Naapittarfissat.

Issiaviit takisuut. Pinggortitamut naleqqussakkanik pinnguarterfiit. **Aserfallatsaaliineq, taamaallilluni meeqqat inuusuttullu illoqarfimminnik paarsil-**

luarnissaminnik ilinniassapput. Illut toqqissisimanannngitsut, soorlu Qinnngitsinniittut, pinaveersaartinneqassapput. Paamiuni blokkit inoqanngitsut qimatallu. Illoqar-

fimmi illut nutaannginnersaasut eriyagisallu kusanartut attatiinneqassapput. **Illoqarfimmi minnerni sumiiffiit illullu oqaluttuassartaat pingaaruteqarlu-**

innarput. Illoqarfimmi pigineqartunut ataqinnilersitsisoqassaaq. Illoqarfimmi illutoqqani ileqqunut/kulturimut tunngassuteqartut ilanngunneqarnissaat isumassarsiatiala-

avoq. Oqaluttuassartaat atuuffilut imminnut ataqatigiissapput. Aneersuaartarfikkut aqqusinnguani eqqaamasat nuannersuupput. Taamani meeqqerivit, pisiniaarfiit qamuteeqqa-

qanillu sisorartarfiit sanileriaapput. Assigiinngitsunik atuuffillit akulerussuutinneqarneri toqqissisimanermik misigititsisuusarput. **Illoqarfiup silataa innuttaasunut "anger-**

larsimasutut" misigititsisuusarpoq. Taamaattumik tamanut ammasut "angerlarsimaffippalaassapput", alianaattullu toqqissisimanartutullu isikkoartinneqarlutik.

ILLULIORTAATSIMUT POLITIKKI

– kommunimi illoqarfimmi nunaqarfimmi illuliortaatsimi pitsaassutsit naleqartitallu qulakkeerneqarnissaannut nukittorsarneqarnissaannullu sakkussaq



QAQORTOO NUUK

Imarisai

Aallaqqaasiut	5
Siulequt	7
Illuliortaaseq sunaana?	9
Sermersuumi naleqartitat.	11
Illuliortaatsimut politikimi anguniakkat.	13
Illuliortaaseq kinaassuseqalersitsisoq.	15
Inissiat pitsaassuserlu	17
Illoqannginersat illoqarfimmilu inuuneq	19
Piffissaq sumiiffissarlu	21
Iliuuseqarneq	23
Sanatitsisutut illunillu piginnittutut	24
Oqartussatut	25
Ilitsersuisutut isumassarsiorfittullu	26
Sakkussat	27



ILLOQARFIIT TITARTARUK

Aallaqqaasiut

Kommuneqarfik Sermersuumi illuliortaatsip qitiutinneqarnissaa qangalili politikikkut kissaatigineqarnikuuvoq, aammalu kommunip Pilersaarusionermut periusissiaani 2014imi tamanna qitiutinneqartusatu akuersissutigineqarpoq.

Kalaallit Nunaanni illuliortaatsimut politikkit siullersarimmassuk, Kommuneqarfik Sermersuumut pingaartuuvoq, innuttaasut illuliortaatsimut tunngatillugu qanoq isumaqarnerannik aammalu »naju-gaqarnermi« naleqartitat pillugit qanoq isumaqarnerannik aallaaveqarpoq. Taamaattumik Kommuneqarfik Sermersooq suliamik aallartitsinermini »naleqartitat pitsaasut« pillugit innuttaasunut ajornangitsunik apeqquteqartarluni aal-

lartippoq. Akissuteqaatigineqartut kingusinnerusukkat politikkimut ilanngunneqarput immikkoortunullu ukununga tunngaviliisuupput,

**Illuliortaaseq Kinaassutsimik
Pilersitsisoq,
Inissiat Inuunermilu
Pitsaassuseq,
Illoqannginersat
Illoqarfimmilu Inuuneq
aamma Piffissaq sumilu.**

Naggasiullugu politikkami Iliuutsit immikkoortoritinneqarpoq, tassa-nilu illuliortaatsimut politikkip kommunimi suliat ingerlanerintu qanoq ikorfartuutaasinnaanersoq allaaserineqarpoq.



KIMMERNAT NUUK

Siulequt

Illuliortaaseq ataasiakkaanut inuiaqatigiinnullu naleqalersitsivoq.

Illuliortaaseq ataasiakkaanut inuiaqatigiinnullu naleqalersitsivoq. Taamaattumik avatangiisitsinni tamani illuliortaatsimi pitsaassuseq ilanngullugu isumaliutersuutigissavarput.

Aatsaat pitsaanerpaamik pilersarusiorlutalu ilusilersuigutta, tunniussaqaarnissamut, peqataanissamut ukkassinissamullu periarfississa-vaatigut.

Kommuneqarfik Sermersuumi illuliortaatsimut politikkeqarnermi angunia-gaavoq

- illuliortaatsimi naleqartitat imikkullarissuserlu nanissallugit

- naleqartitat aalajangiusimassallugit, eriagissallugit nukittorsassallugillu
- pitsaasunik atorluarsinnaasunillu illuliortoqarlunilu sanaartortoqassasoq

Kommunalbestyrelse illuliortaatsimut politikkimik, Kommuneqarfik Sermersuumi pitsaasumik illuliortaaseqaarnissamik siammarterinissamillu paasinnittoqaarnissaa siuarsarniarlugu, akuersissuteqaarnikuuvoq. Illuliortaatsimi naleqartitavut inoqarfinnilu tamatiguussuseq qititissavarput. Inissiaqarfiit, inuusutissarsiteqaarfiit qiterisaqarfiillu illoqarfimmi avatangiisaapput assigiinngitsut amerlasuullu, tamarmil-

lu pitsaassuseqartuunissaat tamatta kissaatigaarput. Atuuffissaatigut isikkuatigullu taamaappoq.

Illuliortaatsimut politikkeqarnikut nuannaarnerulersitsinissaq, kusanartunik avatangiiseqaarnissaq, ataasiakkaanut inissaqartitsinissaq aammalu ataatsimornissamut inissaqartitsinissaq kissaatigaarput. Sumiiffimmut aalajangersimasumut, pitsaassuseqarlutillu ataatsimoorluta paarilluarsinnaasatsinnut, inuit ataasiakkaat nuannaarnermik toqqissisimanermillu misiginissaat kissaatigaarput.

Illuliortaatsimi politikki inuttut pitsaassutsimik tunngaveqartoq.

Illuliortaatsimut politikki atorluarisiuttoq

Asii Chemnitz Narup

Borgmesteri

KOMMUNEQARFIK SERMERSOOQ



QAPIARFIUSAAQ NUUK

Illuliortaaseq sunaana?

Oqaaseq illuliortaaseq (arkitektur), latiinerisut architectura, isumaqarpoq illut, init imaluunniit ilutsit timitallit ilusilersorneqarnerisa kusanartuliarineqarneri ilisimatusaatigineqarnerilu.

Illuliornermi kusanartuliortaatsip pitsaassusaa uninngaannartutut taaneqarsinnaanngilaq, kisiannili pif-fissami pilersinneqarnera tunngavilu naleqqiullugit naliligassaalluni. Illuliornermi kusanartuliortaatsip pitsaassusaata inerneru allangortineqarsinnaanngitsut illuliortaatsimut politikkimit inissinneqassanngillat, kisiannili kikkunntu tamanut eqqarsarluarnissamik isumassarsiorfiullunilu kajumissaarinerussaaq.

Illuliortaatsimi sorpassuit pineqarput, inerujussuarnit takusassanut minnerpaanut. Illuni, sanaartukkani, illoqarfinni, sumiiffinni inissani, nunatani attaveqarnernilu takuneqarsinnaavoq.

Illuliortaatsimut politik-kimi pivarput illuliortaaseq pitsaasoq:

- iikkat avatangiiseralugit inuunermik pitsaasumik sinaakkusiigaangata
- sanaartukkat uatsinnut toqqisimatitsileraangata, alaatsinaatsitsileraangata ulluinnarnilu pitsaassutsimik tunniussaqaaraangata
- misigisaatigut iikkanit avatangiisitsinnit sunnerneqaraangata; avatangiisit paasinartunngortarput, inunnut tunngatillugu aamma ataatsimut inooqatigiinermi isumassarsiorfinnik sinaakkutinik tunisigaangata,
- illoqarfiit illullu pijuartitsisusut, assersuutigalugu atortunik

nukissiutinillu atuinermik annikilliliinikkut taavalu inooriaatsip pijuartitsisup siuarsarneratigut, maannakkut siunissamilu qaqugumut.

Illuliortaaseq pitsaasoq torralla-taasinnaavoq mutiullunilu, taamaakkaluartoq sulii annertunerusariaqarpoq. Illuliortaaseq pitsaasoq sumiiffimminut innuttaasunullu tunniussaqaarsinnaasariaqarpoq: Ininik takujuminartunik, attorlugit pitsaasunik imaluunniit uninngafiginissaanut allanillu naapitsinisamat tikilluaqqusitullusooq ittunik pilersitsinissatsinnut kaammattussavaatigut. Sumiiffimmik pitsaasumik pilersitsinissamat ikorfartuutaassaaq.



ILLUT AKORNGI

Sermersuumi naleqartitat

Illuliortaatsimut politikki naleqartitat inuunerlu pitsaassusilik qitiutinneqartit.

Kommunimi illuliornermi kusanartuliortaatsikkut naleqartitat inoqarfiillu assigiinngisitaarneri Kommunalbestyrelsimit aallutarineqarput. Kommunimi illuliornermi kusanartuliortaatsikkut naleqartitat kulturik-kullu oqaluttuarisaanerit tassaapput kikkunnit tamanit isummersorfigineqartut, taamaammat inoqarfitsinni naleqartitatta inississornerinut kommunimi innuttaasut tunniussaqaar-nissaannut Kommunalbestyrelsimit aggersarneqarput. Innuttaasunik pe-

qataatitsinermi anguneqarput naleqartitat pingaarutillit, ilaatigut qanga pisimasunut ataqatigiinnermik kinaasutsitsinnik takutitsilluarsinnaasut.

Innuttaasunik peqataatitsinermit oqariartuutigineqarpoq, illut avatangiiserisat kusanartuussasut pilerinartuullutillu. Inissiat pitsaasut illoqarfiillu ilaat toqqissisimanartut angissutsimikkut uninngaarfigineqarsinnaasut kissa-atigineqarput taamaammallu aseror-terinissanut naleqarnerinullu suunn-

gitsunut pinaveersaartitsinnaallutik. Innuttaasunut ataasiakkaanut inuiaqatigiinnullu tamanut inuunermik naleqartitanik annertusaassaaq.

Innuttaasut naleqartitaat sammisat sisamangorlugit immikkoortinneqarput, 1. Illuliortaaseq kinaassuseqalersitsisoq, 2. Inissiat inuunerlu pitsaassusilik, 3. Illoqarfimmi Illoqannginnersat taavalu 4. Sumiiffiit Silaannarlu. Innuttaasut naleqartitaat pingaarnertut naalisarlugit ataani atuarsinnaavatit.

INNUTTAASUNIT KISSAATIGINEQARPOT:

Illuliortaaseq kinaassutsimik piler-sitsisar-toq

- Kulturikkut illorsuaq
- Immikkuullarissuseq kinaassuserlu
- Illut kulturikkut kingornussat oqaluttuarisaanerlu
- Oqaluttuarisaanerit ilanngussineq atuutsitsinerlu
- Nalinginnaasuunngitsumik eqqarsarneq – silarsuup sinnerata qimerloornissaa

Inissiat inuunermilu pitsaassuseq

- Inissiat pitsaasut ullutsinnullu naleqquttut
- Sanaartorneq mingutsitsinngitsaq nukissiutitigullu mingutsitsinngitsaq
- Isikkivik, seqineq inissiallu qaamasut
- Angerlarsimaffik toqqissisimanartoq avatangiisillu toqqissisimanartut
- Attuumassuteqarneq avatangiisillu qanittumiittut

Illoqannginnersat illoqarfimmi inuuneq

- Toqqissisimaneq
- Qanigisariinneq

- Ataqqinninneq peqqissaarnerlu
- Akisussaaffik
- Angallattut mianersuunneqartus-sat cykelertullu
- Biilertut biilillu uninngasarfii ikilil-lugit
- Pinnguartarfiit amerlanerit
- Inuit inuttut nalinginnaasutut inn-gitsut inissaqartinneqarnissaat
- Inissaqarneq isikkivillu
- Nunaminertat sanaartorfiunngitsut
- Pinngortitap eqqaaniinneq
- Inooqatigiinnikkut kulturikkullu eqqissisimaartarfiit
- Nuutoqqami uummaarissuseqalernissaa
- Sumiiffiit qorsooqqissut siammar-nerunissaat eqqissisimaarfiusinna-asut pinnguarfiusinnaasullu
- Illoqarfiup illoqannginnersaani uumasunik inissaqartitsineq
- Illoqarfimmi illoqannginnersat innuttaasut angerlarsimaffiisa aap-paraat
- Pisiniarfiit siammarsimanagerusut
- Avatangiisit eqqissisimanartut toqqissisimanartullu
- Illunik aserfallatsaaliuineq

- Qalipaait ataqatigiinneri ataqati-giissut
- Atortup pinngortitap atortuutai atorineqartut
- Qaammaqqutit
- Sanaartornerit kusanartut avatan-giisillu kusanartut
- Illoqannginnersanik kusassaaneq
- Illoqarfimmi illoqannginnersat ulloq unnuarlu uummaarissut
- Uteqqiineq pinnagu nikerartunik atuineq

Piffissaq sumiiffissarlu

- Silap pissusianut tulluusaarineq
- Sumiiffiit assigiinngissusaat aal-laavigineqartut
- Ataqatigiinneq eqqarsaatigalugu pilersaaruserneq
- Pilersaarusernermi pinngortitaq ilaatinneqarluni
- Tikikkuminassuseq
- Illoqarfisani atortussat
- Suut tamakkiisumik eqqarsaati-galugit
- Sila, seqineq, isikkivik, nunap ilusaa najoqqutassallu aallaavi-galugit pilersaaruserit
- Inuunerup pitsaassusaa



Illuliortaatsimut politikki anguniakkat

Illuliortaatsimi politikki anguniakkani allaaserineqarpoq, naleqartitatsinnik qanoq ilillugu paarsillu arusunnersugut, aammalu qanoq ililluta ineriartortitsinikkut naleqartitanik nutaanik pilersitserusunnersugut. Anguniakkat sisamanut immikkoortinneqarput, tamarmik immikkut illuliortaatsip silarsuaani ataatsimik sammisaqarfiusut.

- 1. Illuliortaaseq kinaassuseqalersitsisoq,** *inuit ataasiakkaat kinaassusiat, sumiiffiup ilisarnaataa aammalu ilisarnaat ataatsimoortitsiffiusoq*
- 2. Inissiat inuunermilu pitsaasuseq,** *inissiaq pillugu inuunermi inissaqartitsisoq, inissialiat toqqissisimanermik siuariartorfiusussat*
- 3. Illoqannginersat illoqarfimmilu inuuneq,** *illoqannginersani inuit naapiffiginnaasat pillugit*
- 4. Piffissaq sumilu,** *pinngortitap atugassarititai periarfissarिताalu pillugit upperinnineq*



TASILAMI OQALUFFIK

Illuliortaaseq kinaassuseqalersitsisoq

Inuit ataasiakkaat kinaassusaat, sumiiffiup ilisarnaataa aammalu ataatsimoorfittut ilisarnaat

Illulioriaaserput kulturitsinni pingaarutillit ilagaat, inoqarfivullu uaguunitsinnik, kinaassutsitsinnik takutitsisuupput. Illulioriaatsip oqaluttuassartaa oqaluttuarisaanitsinni uppersaataasut pingaarnersaraat – siunissamilu taamaattussaalluni. Taamaattumik ataatsimoorluta kulturitsinnit kingornussatta paarilluarnissat pingaaruteqarpoq.

Ullutsinni siunissamilu immitsinnut paasinissamut, qanga pisimasunut toqqammavigisatsinnullu attaveqarnissarput pingaaruteqarpoq. Nutaanik illuliorutta, toqqamma-


vipput nutaanik qallertarparput, taamaasillutalu oqaluttuarisaaner-
mut ullutsinni inuunerput ilann-
guttarlugu. Illulioriaatsitsinni

immitsinnut siunissamilu kingua-
assatsinnut ilisarnaateqarpugut,
taamaattumillu sumiiffik, inuit
oqaluttuarisaanerlu ataqqillugit in-
gerlanneqassalluni. Taamaasilluta
kinaassuseq nukittorsassavarput,
taavalu kulturerput oqaluttuarisa-
anerpullu pisuujunerulersillugit.


Illuliortaatsip inoqarfiit asseqann-
gitsumik kinaassusiat nukittorsar-
lugulu ikorfartussavaa. Inoqarfiit
sumiiffii, avatangiisaat, oqaluttuas-

sartaat immikkuullarissusiallu in-
oqarfiit ilisarnaataannut pingaa-
ruteqarluinnartuuvoq. Inoqarfiit
ilisarnaataasa nukittorsarneqarnis-
saat ikorfartorneqarnissaallu Kom-
muneqarfik Sermersuup kis-
saatigaa, taamaasilluni inigisap
inoqarfiullu naleqassusianik misi-
ginissaq annertunerulersissallugu.
Inoqarfiit pilersaarusionerfiginerini
ineriartortitsiffiginerinilu ataatsi-
moortumik eqqarsarluni aammalu
inoqarfiit ilisarnaataat ataqqillugit
pinissaa pingaaruteqarpoq.

Illuliortaatsimi politikimi anguniarneqarpoq:



- illut ataasiakkaat avatangiisillu immikkuullarissuseqartut eriagineqarnissaat



- illut nutaat illoqannginersallu oqaluttuarisaanitsinnik pisuunnguallatsitsinissamik toqqammaveqassasut



- inoqarfiit pilersaarusionerfigineri ineriartortitsiffiginerinilu inoqarfiit ilisarnaataannik toqqammaveqassasut



NAJUGAQ

Inissiat pitsaassuserlu

Inissiaq inuunermi najugassatut, inissialiat toqqissisimanerulersitsisut

Inissiaq pitsaasoq timikkut tarnikkullu peqqinnerulersitsisarpoq. Inissiaq pitsaasoq inummut qulakkeerisuvoq, inuunerullu ingerlarniginut assigiingitsunut ikorfartuutaallunilu sammisassanut inissaqartitsisuvoq, ilaqutariinni immikkut ataatsimoorlunilu allanillu peqateqarluni. Inissiaq pitsaasoq ataasiakkaanut avatangiisinut ataatsimoorussassanullu attaviliisuvoq, pinngortitamut isikkiveqarnikkut inissianullu allanut isikkiveqarnikkut. Peqatigitillugu imminiussuseqarnerit illersorneqarpoq, kissaatiginngisatit pinaveersaartinniarlugit silallu pissusaanut illersorniarlutit.

Inissiaq eqimasumik inissisimapata, inissiaqarfiit pilersinneqartarput. Inissiaqarfiit toqqissisimaffiusut eqqaamiorissarfiusut, illullu akornini uummaariffiunissaq pilersissavagut. Inuit naapeqatigiiffigisinnaasaanik periarfissaqassaaq; oqquiffissalinnik, seqinnisaarfissalinnik, isikkivigissunik aammalu naapisimaarnissamat toqqissisimanarlutillu pissusissamisoortunik.

Ineqarfiit angissusiat ilusilersornerilu, ilusaat qalipaasersorneqarnerilu ataqatigiissitsissapput assigiingisitaartuullutillu, imminut ataneqarlutik paasineqarsinnaallutillu. Ineqarfiit kikkunnit tamanit tikinneqarsinnaassapput; kaassuartakkanik qamuteqartut tappiitsullu namminneq najukkaminnut taamaallaat isersinnaaginnaratik, aamma allat pulaarnissaanut periarfissaqassapput.

Illut, illuliorfigineqartullu qanittumiittullu pissanganartuussap-


put misigisaqarfiusinnaassallutillu, siunissamilu eriagineqarnissaminut piukkunnassuseqassapput, ullutsinnilu aserfallatsaaliorneqarsinnaassallutik. Najugallit misigisimagunik eqqartik toqqissisimanartuusoq, taava inuit

sumiiffiullu akornanni attaveqatigiinneq annertunerulersarpoq, avatangiisillu paarilluarneqarnissannik, ataqqineqarnissannik akisussaaffiginissaannillu misigisimaneq annertunerulersarpoq.

Illuliortaatsimut politikkimi anguniarneqarpoq:




- inissiat tamarmik ataqqinassusilimmik timikkut tarnikkullu inuunegarnissamat sinaakkutaanissaat



- inissiaqarfinnik pitsaasunik pilersitsiffissanik takorluugaqarfiusunillu toqqammaviliinissaq, illoqarfiup ilaanut pilersaarutit aqqutigalugit inuuneritta-mut sinnaakkusiisunik



- inissiaqarfiit tamarmik ataatsimiffissatut ataatsimoorfissatullu, toqqissisimanermut, attaveqarnermut akisussaassuseqarnermullu sinaakkutaassat



- nutaamik illuliornerit, nutaamik allangortiterinerit sumiiffimmi pitsaassutsimik ataqqinninneq toqqammavigalugu ingerlanneqassasoq, aammalu isigisat atuuffissa-asalu sakkortusarneqarnissaat



ILLOQANNGINNERSAQ AMISUT

Illoqannginnersat illoqarfimmilu inuuneq

Illoqannginnersat illoqarfimmilu inuuneq, illoqannginnersani inuit naapiffigisinaasaat pillugit

Illut akorngi tassaapput nunaqarfiup illoqarfiullu illoqannginnersai. Sumiifinni taakkunani immitsinnut naapitarpugut allanillu naapitaqartarluta, namminiussuseq qimattutullusooq iluglu inuiaqatigiit sinnerinut akuliulluta inooqataalertarpugut. Illoqannginnersaq pitsaasoq ataatsimoornermik, ataqatigiinnermik akisussaassuseqarnermillu ineriartortitseqataasinnaavoq.

Illoqannginnersap pitsassusii piler-sinniarlugit

- uku aallaavigineqassapput; nuna-minertat annertuut portussutsillu inuup timaanut sumiiffimmilu pineqartumi sammineqartussatut eqqarsaatigineqartunut naleqquttut,
- tamanut tikikkuminartuussaaq inissaqarluarluni, utoqqarmut, meeqqamut, issiavimmik assakasulimmik atuisumut tapiitsumulluunniit naapeqatigiiffiusinnaasoq najoruminartorlu,
- qullilersugaassaaq; illoqannginnersat qullilersugaasut ukiuunerani katersuuffiusinnaasarlutillu toqqisimalersitsisinnaasarput, aamma eqqissisimaarfiliortoqarsinnaallunilu immikkoortunik pilersitsisoqarsinnaavoq.
- - mikroklima; sumiiffiit oqqartamittut seqerngullu kissarfigisaaniittut siviunerusumik najorneqarsinnaapput ilorrisimaarfigineqarlutik, aammalu nipiliorfiunngitsut silannarmillu mingutsitsiffiunngitsut ilorrisimaarnerulersitsisarput, qimakkuminaatsitsisarlutillu

Illoqannginnersat ataqatigiittarput, allaanerlu ajorlutik sumiiffimmiit sumiiffimmut ataqatigiittut. Tamannalu illoqannginneranut imminnut atasunik

aqqutissaliornikkut annertunerulersisinnavaarput, taamaalilluni sumiiffimmiit sumiiffimmut isumannaatumik angalaartoqarsinnaanngorlugu. Illoqannginnersat ilaat timigissarfiusinnaassapput; pinnguarneq arsalerineq, illoqannginnersallu ilai nipaammiumisamat oqaloqatigeerujoornissamulluunniit tulluartuusarput. Inuit pisari-

aqartitaat kissaataallu assigiinngillat, illoqarfitsialammilu illoqannginnersat assigiinngisitaartut assigiinngitsunik periarfissallit nassaassaasarput, meeqqat, inuusuttut ilaqutariit kiisalu inuuniarnikkut ilungersunartorsortut inissartinneqartarlutik – sumiiffiit kikkunniilluunniit naapeqatigiiffiusinnaasut toqqissisimaarfiusinnaasullu.

Illuliortaatsimut politikki siunertaavoq:



- illoqarfitta nunaqarfittalu tamatigoortuulernissaat, pitsaasunik toqqissisimanartunillu kikkunnulluunniit atuuttunik illoqannginnersaqarnissaat



- illoqannginnersat nutaat siunissami qanoq atorqeqaarnissaat pitsaasusissaallu siunniutereerlugit piler-sinneqassasut



- Illoqannginnersat atorluarneqanngitsut ajornanngippat atorqeqaarsinnaasunik periarfissarsiunneqassasut taamaalillutik uummarissarneqarlutik



- illoqannginnersat pigisavut ukiut inuunermilu qanoq inissisimaffeqarneq apeqqutaatinnagit orniginarsarneqarsinnaassasut, illoqannginnersanilu inuit biiliunngitsut salliuinneqassasut.



EQALUGALINNGUIT NUUK

Piffissaq sumiiffissarlu

Piffissaq sumilu, pinngortitap atugassarititai periarfissarititaalu pillugit upperin- ninneq

Illuliortaaseq pitsaasoq sumiiffimik piffissamillu aallaaveqartarpoq. Sumiiffimmi oqaluttuarisaneq tusaaniarsarigutsigu taakkulu tunngavigalugit sanaartorluta sumiiffimmut akerliunngitsumik sanaartussaagut, oqaluttuarisane-ralu ingerlateqqillugu. Sumiiffimmi silaannaq pillugu ilisimasaqarneq tunngavigalugu sanaartorutta sumiiffik naleqarnerulersissavarput. Nutaamik sanaartornitsigut sumiiffimmi qanga pisut ullutsinneersunik ilasarpavut, ullutsinnilu oqaluttuassartap oqaluttuarinissaa pingaaruteqarpoq, taamaaliorsinnaavugullu tulluusimaarutigalugu. Oqaluttuassartaa kinguaariit tullittut nersorniarsinnaasaat. Nunatta ilusaa silaannarpullu sanaartoriaatsitsinnut, nunaqarfinnik illoqarfinnillu tunngaviliisarnitsinik siusinnerusukkut aalajangiisuusarput. Qaartiterisarneq nutaaliasunillu sanaartoriaaseqalernikkut taakku tunngavigisarneri ilaatigut qimakkiartuaarpavut, illoqarfiullu ilai sanaartukkallu ilai sumiiffiup qanoq issusaanit aallaaveqarna-


tik, nunarsuatsinnili sumiluunniit sanaartugaasinnaagaluarlutik. Tamatumali kinguneraa sanaartukkat kulturitsinnut kinaassutsitsinnullu attuumassutaarukkiartorsimenerat, aamma inissiat illoqarfiillu pitsaassuseerukkiartorsimapput, ataatsimoorfeqarnissamullu kajumissaarerpalaaratik. Taamaattumik sumiiffiup pingaarutaasa nutaamik inissaqartinnissaat anguniartari-aqarparput.

Illuliortaatsimi attassiinnarnissaq nutaaliornissarlu pineqarput, sumiiffimmi pitsaaqutit sulii pitsanngorsarnerunissaat tunngaviussalluni, tassa nunap ilusaa, silaannaq aamma sanaartukkani atortulersuutinilu kulturerineqartoq eqqarsaatigalugit. Immikkoortup ilaani pitsaaqutit ujartussavagut pitsanngorsaqqillugillu. Sanaartukat nunaannaallu akornanni ikaarsaariarnerit ersarissut naleqquttullu allanngutsaalineqarnerisigut kiisalu sumiiffiup immikkuullarisutai ilusaalu eqqumaffigigaanni tamanna anguneqarsinnaavoq.

Illuliortaatsimut politikki siunertaavoq:



- Nunap ilusaa pioreersoq sumiiffimmi silaannaq aallaavigalugit pilersaarusiortoqartassasoq, sanaartortoqartassasoq atortulersu-isoqartassasorlu



- Illut sanaartukkallu nutaat sumiiffiup pitsaassusiinik qaffasasuunissaat, piffissaq atuuttoq eqqumaffineqassasoq, piffissarlu qaangiutereersoq siunissamilu pi-sussat ataqqineqassasut



TASIILAQ
MIDTPUNKT

TASIILAQ
ILLOQARFIUP
QEQQA

utiden

MTIDEN

TUNUMI INERIARTORTITSIVIK

ØSTKYSTENS VÆKSTCENTER

TASIILAMI ILLOQARFIUP INERIARTORTINNEQARNERA PILLUGU SAQQUMMERSITSINEQ

Iliuseqarneq

Illuliortaatsimut politikki anguniakkat ilaannik allaaserisaqarpoq. Anguniakkat taakku tamakkerlugit angusagutsigit inuiaqatigiit tamakkerlutik suleqatigiissutigisariaqarpaat, inuit ataasiakkat, suliffeqarfiit namminersortullu pisortalluunniit peqatigiillutik. Illuliortaatsimut politikkimut atatillugu ilitsersuutitut najoqqutattullu atorneqarsinnaavoq, sanaartugassatut suliasap tiguneqarneraniit illussamik titartaasup, sanaartortitsisup pilersaarusiortullu aalajangigasai qanoq ittuusariaqarnersut.

Pilersaarummut peqataasut amerlagaluartut Kommuneqarfik Sermersooq maligassiuisuunermi siuttuunissaminut periarfissagissaarpoq.

1. **Sanaartortitsisutut sanaartukkamillu piginnittut**, *sanaartortitsisut sanaartukkamillu piginnittut anginerujussuit ilaattut kommunip pisussaaffii eqqarsaatigalugit*
2. **Oqartussatut**, *pilersaarusiornep ingelanneqarnerani illuliortaatsip pitsaanerusup siuarsaaviginissaa eqqarsaatigalugu*
3. **Ilitsersuisutut isumassarsitullu**, *atuarfinni atuartitsinermi, inuiaqatigiinni oqallinnerni aamma sanaartortitsisumut ikiuunermi*
4. **Sakkussatigut**, *illuliortaatsimut politikkip pitsanngorsaqqinnissaanut iliuusissani sakkussaartitsinermi*

Sanatitsisutut illunillu piginnittutut

Sanatitsisutut illunillu piginnittutut angisuutut pisussaaffiit pillugit

Sanatitsisuuneq illunillu piginnittuuneq pisussaaffiliipput. Illulior- taatsimut politikkeqarnermi anner- tuumik anguniagaqarpugut.

Kommuneqarfik Sermersuumit atuarfiit, meeqgeriviit, inissiat kommunimilu sulisunut suliffiit inuttaasunut sanaartorneqartar- put. Illulior- taatsimut politikki ator- lugu siunissami pitsaanerusemik sanaartornissatsinnut toqqam- maviliissaagut. Siuliani immik- koortuni sisamani anguniakkat siunissami sanaartornermi sulianut najoqqutassatut atorneqarsinnaap- put, tassanilu kommunimi inger- latsivik suliffiup iluani siunnersuis- unullu nakkutiginnittarsinnaalluni

ilaatigut illulior- taatsimut politik- kimi anguniakkat sanaartornermi anguniagassamut malinninersut misissortarniarlugit.

Illorpassuit Kommuneqarfik Ser- mersuumit pigineqarput. Piginnit- tutut illunik ingerlatsinissatsinnut aserfallatsaaliuinissatsinnullu aki- sussaavugut, aamma illu allanut siunertanut qaqugu sangutissa- nerlugu nammineq aalajangertar- parput, aammalu naggataatigut qaqugu illu isaterneqassanersoq. Illut paarilluarneqangippata aser- fallallutillu, avatangiisinut pitsa- anngitsumik sunniisarput. Kom- munip illuutaasa ilai kulturikkut oqaluttuarisaanikkut illuliornermi- lu kusanartuliatigut annertuumik naleqarput; matumani illut nutaar- luinnaat aammalu nutaanngitsoru- jussuit pineqarsinnaapput.

Illulior- taatsimut politikkip aku- ersissutigineratigut illut paarillu- arnissaannut, illut naleqarluartut eriaginissaannut aammalu illut aserfallatsaaliorneqarnissamut pe- riarfissaqanngitsut pissusissamisu- unngitsulluunniit isaternissaannut pisussaavugut.

Illoqarfimmik inerisaanermut sanaartorfissagissaanermullu ata- tillugu sanaartugassat angisuut Kommuneqarfik Sermersuumit sanatitsisutut suliarineqartarput. Aamma matumani illulior- taatsimut politikki atorneqassaaq. Aqqusern- git, kusserngit aamma kuuffissuit pilersuinermilu ledningit inissi- simaffissaasa misigineri, nunamut attaveqarneri, tikeriaannaaneri toqqissisimanarnerilu uuttorlugit aalajangerneqarsinnaapput.





TUUJUMMI INISSIALIORTITERNEQ

Oqartussatut

Pilersaarusionerq aqqutigalugu pitsaannerusumik illuliortaaseqarnissap siuarsarnerqarnissanut periarfissat pillugit

Kommunimut pilersaarummik kommunimi nunaminertanik atuinernut tamanut aalajangersagaqartunut Kommuneqarfik Sermersuumit aalajangersaanissaq suliarineqartussaavoq.

Periarfissaatillugu illuliortaatsimut politikimi anguniakkat attuumasuteqartut Kommunimut pilersaarummi ilanngunneqassapput, taamaalillutik inerisaanissamut pituttorsimaniassammata illuliortaatsimullu politikkitut ilitersuutitut atuinnessanngimmata.

Nunaminertanut oqartussaarfimmi sullissinermi qinnutigineqartup pilersaarummi aalajangersakkat atuuttut malinneqarnersut naliliiffigissallugit periarfissaavoq. Pilersaarut aalajangersakkanik illuliortaatsimut politikkip malearuarnissanut pingaaruteqartunik imaqarpat, tunniussinissap nalunaarutigineqarnissaa sioqqullugu

pilersaarummi pissutsinik aalajangersimasunik malinnittoqarnersooq oqartussaarfimmit uppersarsasiortoqarnissaa piumasarineqarsinnaavoq, imaluunniit sanaartornerup aallartinnissaa sioqqullugu uppersarsaatissat tunniuttarnissaat piumasaqaatinngortinneqarsinnaalluni.

Illoqarfimmik allanngortiterinerni pilersaarutitut anginernut sanaartornernullu atatillugu, sanatitsitut attuumasuteqartup pilersaarusionermit akisussaasuusup kommunimik oqaloqateqarnissani aallartissavaa. Kommunimit kisaatigineqarpoq illuliortinermi kusanartuliortaatsikkut pitsaassutsit pillugit piumasaqaateqarnissamut oqaloqatigiinnikkut siunnersuisarinnikkullu pisassasut, taamaalilluni politikimi naleqartitat anguniakkallu piviusunngortinneqartassammata. Illoqarfimmik allanngortiterinermut pilersaarutit angisuut

sanaartornerillu tamakkiisumik pilersaarutitaqarnissaat pisariaqarpoq imaluunniit illussanik titartaasartut unammisinneqarnissaat aallartinneqarsinnaalluni. Tamatumani saniatigut pilersaarutit sukumiisut eqqarsaatigalugit kommunimit najoqqutassaliortoqassaaq. Tamatumalu kingorna pilersaarutit sukumiisut pitsaassutsimut piumasaqaatinik malinnissimanersut malinnaavigineqassapput.

Siunissami kommunimut pilersaarutit angisuut illuliortaatsimut politikimi anguniakkat qanoq malinneqartiginersut pissutsit piviusut sanaartorneqartullu eqqarsaatigalugit naliliivigisarnissaat siunertaralugit, ukiut ingerlareernerini nalilersorneqartalertariaqaraluarput, aammalu pilersaarut situgut iluaqutaasimanersooq ilanngullugu, pitsaasuusimanersooq pitsaasuusimannnginnersorluunniit.



PAAMIUNI INNUTTAASUT ATAATSIMIINNERAT

Ilitsersuisutut isumassarsiorfittullu

Atuarfinni atuartitsinerit, inuiaqatigiinni oqallinnerit sanatitsisullu ikiorneqarneri pillugit

Illuliortaatsimut politikkip ineri-sarneqarnissaa akuersissutigine-qarneralu innuttaasunut oqari-artuuteqarpoq: Kommuneqarfik Sermersuumi illuliortaaseq pitsa-asoq siuarsarusupparput, pissu-tigalugu inuiaqatigiinnut, ataatsi-mooqatigiinnut aammalu inunnt ataasiakkaanut pingaaruteqarmat pitsaasumillu inerisaalluni. Allori-arneq pingaaruteqartuuvoq ukiuni tulluittuni tamanut paasissutissiis-arnikkut illuliortaaserlu pitsaasoq pillugu oqallilluarnikkut malinnaaf-figineqartariaqartoq.

Kommunimi meeqqat tamaasa meeqqat atuarfianni ilinniagaqar-

nissaat Kommuneqarfik Sermersuumit akisussaaffigineqarpoq. Qulakkeertariaqarparput meeqqat tunngaviumik atuarnermi illuliortaaseq paasisimasaqarfigile-riissagaat. Illuliortarnermi kultu-rerput, qanga maannakkullu pisut ilinniassagaat, aammalu init pitsa-asut nuannaarnermut takorluuisin-naassutsimullu qanoq iluaqutaati-gisut misigisaqarfigissagaat.

Sanatitsisumut siunnersuineq aqputigalugu illuliortaatsip pi-tsaasup siuarsarnissaanut Ko-mmuneqarfik Sermersuumit kaammattuisoqassaaq; pisortat namminersortullu eqqarsaatigalu-

git. Illuliortaatsimut politikki akuersissutigisimagipput sanatitsisumut ilisimatitsissutigissavarput, aamma politikkip malinnissaa eqqarsaa-tigalugu pilersaarusionermi pis-sutsit allangortinneqassanersut naliliinissamut sanatitsisut neqero-orfigineqarsinnaapput.

Kommunimit illuliortaatsimut po-litikki ikorfartorneqarsinnaavoq ilaannkuinnarlu illuliortaatsimut nersornaammik nersorinnittarluni.

Sakkussat

Illuliortaatsimut politikkip iliuuseqarnissamut sukumiisunik sakkussaqluni inerisaqqinnissaa pillugu

Una »Kommuneqarfik Sermersuup Illuliortaatsimut politikkia« immikkoortoq siulleq ilanngussartaqann-gitsoq akuersissutigeqqaarneqas-saaq. Ukiuni tulliuuttuni ilanngussat arlallit Iliuusissami sakkussat ator-neqarsinnaasut akuersissutigi-neqarnissaat anguniagaavoq.

– eriaginnissamut pilersaaru-tit

Sakkussat pitsaasut tassaasinnaap-put illunik eriagisassatut toqqar-neqarsimasunik misissuiner-mi atugassat. Matumani tamanut nassuiaatigisinnaavarput sooq eriagisasaanersut; illu kulturikkut oqaluttuarisaaner-mi suk-kut immik-kuullarequteqarner-soq, Aamma imaassinnaavoq sakkussat tamanut illunillu piginnittunut anngussiniar-nermi atugassat aamma siunissami illunik eriagisassanik naliliinissami ingerlatsivimmi atugassat.

– assersuutitut katersat

Sakkussatut assersuutaasinnaavoq illuliortaaseq pitsaasoq, tasanilu

takussavarput sooq illuliortaaseq pitsaasuunersoq, aammalu illu-liortaatsimut politikkimut suk-kut attuumassuteqarner-soq. Aamma imaassinnaavoq sakkussaq atuar-fimmi atuartitsiner-mi atugassaq, aamma ingerlatsivimmit oqartus-saqarfimmillu siunnersuinissamut isumassarsiortitsinissamullu pisari-aqartitsisoqaraangat. Illuliortaatsip pitsaasup qanoq it-tup assersuuti-gineqarnerata akuersissutigineqar-nerani tamat peqqinnartumik oqallinnissaannut kinguneqartus-saavoq.

Assersuutitut katersat tassaasinna-apput inissianut inissiaqarfinnullu tunngasut, aammalu katersat allat tassaasinnaapput illoqarfimmi il-loqannginnersanik takutitsisut nas-suiaateqartullu: Suut pitsaasumik

sunniuteqarpat suullu pitsaavalla-annngitsumik sunniuteqarpat? Qule-quttat sisamarisinnaavaat sanaar-tukkat nunatallu akornanni pissutsit.

Katersaalluartut Kommuneqarfik Sermersuumut illuliortaaseqarner-mi ilitersuutaalluarsinnaapput.

– illuliortaatsimi nersornaat

Illulianut, sanaartukkanut imaluun-niit ator-tussaateqarner-mi sanaartuk-kat iluatsilluartut pillugit arlalitsigut assigiinngitsutigut illuliortaatsimi nersorinnittoqarsinnaavoq. Illulior-taatsimi nersorinninner-mi kommu-nimit pilersaarut aalajangersimasoq ator-lugu tamanut oqallissaarissaaq oqartoqarluni isumaqarluta taman-na pitsaasuusoq nassuiarlugulu sooq taamaannersoq. Nersorinnin-nitsigut sanatitsisussat kaammat-tussavagut suli assoroornerussasut, nerioqqullugit immaqa ullut ilaanni nersornaatisinnaasut.



